




Фарғона ҳақиқати

ФАРҒОНА ВИЛОЯТИ ҲОКИМЛИГИНИНГ БОШ НАШРИ

Инсон учун қўли очикликдан ортик фазилат йўқ. Алишер НАВОЙЙ.



Газета 1917 йил 14 октябрдан чиқа бошлаган

http://farhaqiqat.uz/

t.me/farhaqiqati

2021 йил 29 январь, жума

№ 9 (24502)

Кун жараёни

Қадрдон далаларига чилла сувини бераётган бу сувчи жуда оддий ва камтар. Унга алгоритм, арифметика сингари мураккаб гаплардан гапирсангиз, юраги сиқилади. Китобий гапларга ҳуши йўқ, лекин ҳаёт мактабининг ҳақиқий илм толиби. Кетмонининг дастига суюниб, ерга амал келганини, чанқаганини, қуввати кетиби, мадорсизлини қолганини жуда яхши билади.

ЧИЛЛА СУВИ-ТИЛЛА СУВИ...

Дала уватида кўлбола ўчоқдаги қора кумфонда қайнаган иссиқ кўк чойдан узатиб, катта ҳаётий тажрибага эга сувчи иккинчи шўр ювиш ишлари якунига етаётган далалар, иккинчи чилла сувидан кейин кўзга кўриниб қолган галла майдонларига синчиклаб назар ташлайди.

— Бу йил қиш қишлигини қилди. Сувуқ зўр бўлди, ер музлади, — дейди эгитларда ўйнаб оқаётган сув — мисоли сулува меҳр билан термулиб. — Қаҳратон сувуқ зараркунанда ҳашаротларни ўлдирди, чилла сув мома ерга қувват бўлиб, ҳосилга ҳосил қўшади. Деҳқоннинг йил бошидаги бир кунлик меҳнати бутун йилга татийди, деган гап бежизга айтилмаган.

Бағдод туманидаги "Муҳаммадийер галласи" фермер хўжалиги сувчиси Эркинжон Бобоев шу хўжаликда ишлайди. Эпли-сепли хўжаликнинг 82 гектар пахта-галла майдони бор. Фермер хўжалиги ташкил бўлганидан бундан режа бажарилмаган йил йўқ. Шинам дала шийони қурилиб, ёрдамчи хўжалик сифатида паррандачилик, асламчилик, чорвачилик, йилқичилик тармоғи йўлга қўйилди. 3 гектар шафтоли боғи ташкил этилди, бешта техника сотиб олинди. Биргина ўтган деҳқончилик йилида пахта-галладан 120 миллион сўм соф фойда бўлди.

— Биз Катта Фарғона каналидан сув ичамиз. Далаларимизга бу сув Тувалдоқ қишлоғи аҳоли хонадонларидан ўтиб, уч километрдан оқиб келади, — дейди бизни дала увати бўйлаб сайрга бошлаган сувчи. — Эрта кўкларда сув йўллари, ариқлари тозаланиб, Режа бўйича бугун-эрта шўр ювиш, чилла сувни бериш ишлари якунига етказилади.

Халол меҳнат қизган одам кам бўлмайди. Уч ўғил ва бир қизини уй-жойли қилдим. Хонадонимда ҳамма нарса бекам кусти, бозордан ҳеч нарса сотиб олмаيمиз. Устоз сувчи ўзи ёнига олиб иш ўратган

Сиддиқжон Гафоров, Элёрбек Тўйчиевларга маслаҳат берган бўлиб, ёшроқ йигитни четга тортди, унга алоҳида хизмат буюрди.

— Бу ўғлим ва шоғирдим Максуджон Бобоев, — деди Эркин ака дала увати бўйлаб югуриб кетган йигитга ишора қилиб. — Ҳозир уйдан қуритилган мевалар, асал, ёнғок, қаймоқ, сариёғ, дўлта, олма, хурмо, беҳи олиб келади. Кумфонда бир раис чой дамлаб бераман...

Сарвқомат тераклар учлари майин шаббодда тебраниб, музаффар ҳаёт нафаси акс этади. Қирқ кокилини сувга ташлаган бир жуфт тол остидида кўлбола супчада атлас кўрпача, чит қийқда тандирдан янги узилган нон.

— Бу толларни ўз қўлим билан экканман, — дея қаҳрамонимиз ғадири-будир танасини кўли билан силайди. — Ёз саратонида салқини жоннинг хузур. Супчада ёнбошлаб гурунглашиш, чойқўрлик қилишнинг роҳатиға нима етсин!

Қантак ўрик оғзингизда асалдек эрийди, олмани қарсиллатиб тишласангиз, юзингизга суви сачрайди. Урик ўтиниди кумфонда варақлаб пишган аччиқ кўк чой, иссиқ нон,

янги қаймоқ... Эҳ-ҳе, бу сўхбатнинг хумори анча пайтгача эсдан чиқмайди.

— Кунни кеча хўжалигимизда "Қоракўл Чу-валанчи" машина трактор парк ҳудудидида 24 та фермер хўжаликлари учун семинар ўтказилди, — дейди Эркинжон Бобоев. — Ободонаштириш, сўғориш ишлари бўйича ютуқларимиз барчага ўрнак сифатида айтилди. Иш тажрибамиз омналаштириш учун тавсия этилди.

Бағдод тумани ҳокимининг қишлоқ ва сув хўжалиги масалалари бўйича ўринбосари Орифжон Халиловнинг айтишича, тумандаги 8230 гектар ерда чилла суви бериш ишлари ниҳоясига етказилди. Сўғориш ишларини сифатли яқунлаш учун барча ҳудудларда шу каби семинарлар ташкил этилди. Вилоят ҳокими ташаббуси билан "Қишлоқ хўжалигида зарбдор қирқ кунлик" эълон қилиниб, баҳорги агротехник тадбирларга астойдил киришилди.

Ботир МАДИЁРОВ.

Суратни Шерзод ҚОРАБОЕВ олган.

Муносабат

ОРЗУ-ИСТАКЛАРИМИЗГА ҲАМОҲАНГ

Муштарийбегим ҚУРБОНОВА, Зулфия номидаги Давлат муқофоти соҳиби.

Президентимизнинг Олий Мажлисиغا Мурожаатномасида мамлакатимиз тараққиёти ва халқимиз фаровонлиги билан боғлиқ устувор вазифалар белгилаб берилди.

Утган йили Фарғона давлат университети-нинг тасвирий санъат ва муҳандислик графикаси йўналишини тамомладим. Айни кунда ўқишни магистратурада давом эттирмакдаман. Тасвирий санъатнинг миниатюра йўналишида ижод қиламан. Асарларим билан ўнлаб республика ва халқаро танловларда қатнашиб, голиблар сафидан ўрин олганман.

Мурожаатномадаги "...Биз ислохотларимиз қўламини янада оширишда ҳар томонлама етук, замонавий билим ва хўнарларни пухта эгаллаган, азму шижоатли, ташаббускор ёшларимизга таянамиз" деган сўзларни ўқиб, Президентимиз биз ёшларга яна бир бор катта ишонч билдираётганини ҳис қилдим. Бу ишонч бизни астойдил меҳнат қилишга, интилиш ва изланишга, юртимизда кечаётган ислохотларда фаол иштирок этишга ундайди.

Ёшларнинг аксарияти олий ўқув юртида таҳсил олиб, ҳаётдан муносиб ўрин эгаллашни хоҳлайди. Уларнинг бу истаklarини рўёбга чиқариш бўйича ҳам Мурожаатномада қатор дастурий вазифалар белгиланди. Хусусан, олий таълимнинг қамрови ва сифатини оширишга алоҳида эътибор қаратилиб, жорий йилдан давлат грантлари камида 25 фоизга оширилади. Бу нафақат ёшларни, балки уларнинг ота-оналарини ҳам қувонтиради.

Олий таълим муассасаларида таҳсил олаётган ёшлар орасида иқтидорли талабалар жуда кўп. Уларни нуфузли хорижий университетлар, илмий ва инновацион марказларга жалб этиш борасида

тизимли ишлар йўлга қўйилади. Жумладан, "Эл-юрт умиди" жамғармаси орқали етакчи хорижий олий ўқув юртининг магистратура ва докторантурасида ўқишга юборилган ёшлар сонини 5 баробарга оширилади. Мазкур дастур орқали илк бор бакалавр йўналишида таҳсил олаётган 100 нафар юртининг фарзандлари чет элга юборилади. Кейинги йилларда эса бу кўрсаткич 2-3 баробарга кўпайтирилиши Мурожаатномада ўз аксини топди.

Мурожаатномадаги ҳар бир сўз, илгари сурилган фикр ва фикрлар халқимизнинг бугунги оруз-истаклари, интилишларига ҳамоҳанглиги билан аҳамиятлидир. Шу босим унда белгиланган вазифалар рўёбга чиқишига нафақат ишонанман, балки уларни амалга оширишга ўз ҳиссамни ҳам қўшаман.



ИСТИҚБОЛНИ ЎЙЛАМАЙДИГАН ТАДБИРКОР – ТАДБИРКОР ЭМАС

Президентимиз Мурожаатномада иқтисодий ўсишга рақобатбардosh санаот занжирларини яратиш ва бундай лойиҳаларга жалб этиладиган сармоялар ҳажминини кўпайтириш орқали эришиш режаланаётганини таъкидлайди. Бугун, рақобат гоъят кучли бўлган бир пайтда, корхоналарнинг бозорда ўз макеини сақлаб қолишлари мушкуллиги ҳаммага аён. Бунинг учун тинмай изланиш, махсулот сифатига алоҳида эътибор бериш керак. Рақобатбардosh махсулот дейилганда, аввало, сифати хар жиҳатдан юқори бўлган махсулот назарда тутилди. Бундан ташқари, рақобатбардosh махсулотга экспортга йўналтирилиши мумкин.

Улуғбек ТОШМАТОВ, "Шаффоф метан санаот" МЧЖ муассиси.

интилади. Ва, албатта, махсулот сифатига алоҳида эътибор беради, чунки ҳар қандай харидор биринчи навбатда унинг ана шу хусусиятига эътибор беради.

Корхонамизда автотранспорт воситалари учун метан газ баллонлари ва бутловчи қисм – вен-тилар ишлаб чиқарилади. Махсулотимиз – харидориг. Хусусан, ўтган йили кўшма корхонамиз томонидан 67,3 миң долларлик махсулот экспорт қилинган. Бу йил экспорт ҳажминини анча оширишни кўзлаб турибмиз – кам деганда 120 миң долларлик махсулотни ташқи бозорга чиқармоқчимиз. Бунинг учун эса ишлаб чиқариш суръатларини пасайтирмаслик чораларини кўряпмиз. Масалан, ўтган йили бу борадаги кўрсаткич 102-105 фоизни ташкил этган.

Кези келганда хитойлик ҳамкорларимизнинг Ўзбекистонда бизнес ҳамда чет эллик сармоядорларга мақбул шароитлар, кенг имкониятлар яратилганини айтишгаётганини таъкидламоқчиман. Демак, улар янги лойиҳаларга сармоя қиритишга тайёр, биз эса ҳамкорларимизга ишлаб чиқаришни кенгайтириш, демакки, янги иш ўринларини яратиш имконини берадиган янги тақлиф, янги истиқболли лойиҳаларни тақдим этишимиз керак, деб ўйлайман. Бироқ, юқорида таъкидлаганидек, бу ишга, энг аввало, маҳаллий сармоядорлар маблағ йўналтиришлари афзал.

Президентимизнинг Мурожаатномасидан келиб чиқадиган баъзи вазифалар бевосита биз, тадбиркорларга тааллуқлидир. Уларни бажариш, олдимизга янги мақсадларни қўйиб, уларга етиш йўлида барча куч-ғайратимизни сарфлаймиз.

Бунда инвестиция ва инфратузилма лойиҳаларига кўпроқ хусусий капитал жалб этилаётганини кайд этади. Бу – оқилона чора, негаки рақобатбардosh ҳамда экспортга йўналтирилган махсулотни ишлаб чиқараётган ва аллақачон оёққа туриб, бўш маблағларга эга корхоналар хорижий сармоядорлар ҳимматини кутиб ўтирмай, уларни янги истиқболли лойиҳаларга йўналтиришлари мумкин ва лозим. Жорий йилда мамлакатимизда давлат-хусусий шерикчилик асосида 40 тадан ортик йирик ва ўрта лойиҳани амалга ошириш бошланганини айтиб ўтиш ўринлидир.

Фақат бугунги ўйлайдиган, бугунги кун билан яшаётган, эришилган марра билан кифояланмайдиган тадбиркор узоққа бормаслигини ҳаётнинг ўзи кўрсатиб турибди. Ҳақиқий тадбиркор корхонасининг янада ривож ҳақида қайғурди ва бу йўлда доимо изланиб, махсулотнинг янги турларини ўзлаштиришга, ишлаб чиқаришни кенгайтиришга

Бугуннинг гапи

ҚўқОН ШАҲРИДАГИ БОЗОРЛАР КўЧИРИЛАДИМИ?

Шу кунларда ижтимоий тармоқларда Қўқон шаҳрининг санаот бозорлари бошқа ҳудудга кўчирилиши билан боғлиқ хабарлар кенг тарқалмоқда.



Санаот бозорларини "Қўқон" эркин иқтисодий зонасига кўчириш лойиҳасида яқин истиқболда Ҳўқанди латифдаги комплекслари фаолиятини замонавий мезонлар асосида ташкил этиш назарда тутилган, — дейди Қўқон шаҳар ҳокимлиги ахборот хизмати раҳбари Улуғбек Норбоев.

— Бу лойиҳани амалга ошириш орқали мамлакатимизнинг турли ҳудудлари, қўшни республикалардан харидорларни янада кенгроқ жалб этиб, Марказий Осиёдаги йирик савдо ва логистика марказини барпо этиш мақсад қилинган. Эзгу ташаббус харидор ва тадбиркорлар учун муносиб шароит яратиш, автоматшанлар тирбандлигининг олдини олиш

мақсадида автотураргоҳлар барпо этиш, транспорт-логистика хизматларини такомиллаштириш ва бошқа замонавий қулайликлар яратишга қаратилгани билан аҳамиятлидир. Айни пайтда ушбу лойиҳа учун қулай ҳудуд танлаш мақсадида тадбиркорлар фикрлари ўрганилмоқда. Муқимий шаҳарчасида

қурилиши режалаштирилган савдо комплексларида "Қўқон" эркин иқтисодий зонасида фаолият олиб борувчи тадбиркорлар ва бошқа маҳаллий ишлаб чиқарувчиларнинг махсулотлари савдосини ташкил этиш кўзда тутилмоқда. Қўқон шаҳридаги бошқа бозорлар ўз фаолиятини одатдагидек давом эттиради. **Ўз муҳбиримиз.**

ТИББИЙ МАДАНИЯТ – САЛОМАТЛИК ГАРОВИ

Умидахон ҒОҒУРОВА, 2-сонли вилоят юқумли касалликлар шифохонаси врач-инфекционисти, I даражали «Саломатлик» ордени соҳиби.

"Касалликни даволагандан унинг олдини олган афзал" деган нақл бор. Бинобарин, давлатимиз раҳбарининг Фармонида мувофиқ 2019-2025 йилларда мамлакатимиз тиббиёт ҳоқосинининг бирламчи тез тиббий ва ихтисослашган ёрдам бўғинларида муҳим ислохотлар амалга оширилиб, соғлиқни сақлаш тизимини ривожлантириш концепцияси тасдиқланган. Бу концепция тиббий соҳа тараққиётида янги даврни бошлаб берди.

хизматлардан фойдаланишни юксалтиришда, аввало, маҳалларда ўтказилаётган профилактика ишлари, тиббий кўриklar муҳимдир. Шу маънода болалар, ҳомилдор, туғиш ёшидаги ва 35-40 ёшдан ошган шахслар доимий назоратга олинди, скрининг текширувлари ўтказиб боришда. Скрининг тадбирларига хусусий шифокорларни ҳам жалб этиш амалиёти қўлланиши, албатта, сифат ўзгаришига олиб келади. Буларнинг барчаси аҳоли ўртасида касалликларни эрта аниқлаш, олдини олишда катта аҳамиятга эга.

Бунга асосан, вилоятимиздаги 60 дан ортик қишлоқ врачлик пунктлари ва 115 дан зиёд оилавий поликлиникалар ходимлари уйма-уй юриб аҳоли ўртасида санитария-оқартув ишларини олиб бормоқдалар, шунингдек, ҳудудий шифохоналар билан маълумотлар алмашинуви тўлиқ йўлга қўйилмоқда. Аинқисса, вилоятимизнинг олис ва чекка ҳудудларида истикомат қилувчи юртдошларимизга бирламчи ва ихтисослашган тиббий хизмат кўрсатишда кенг қўламли чора-

тадбирлар олиб боришда. Эндиликда илғор хорижий тажриба асосида умумий амалиёт шифокорини ҳақиқий оилавий шифокорга айлантириш чоралари кўрилмоқда. Уларга ёрдам бериш учун терапия, педиатрия, акушерлик ва патронаж бўйича тиббиёт бригадалари ташкил этилиб, бу бригадалар ўзларига бириктирилган оилалар кесимида "тиббий харита"лар шакллантириб, манзилли йш олиб боради. Аҳолининг саломатлик ҳолати бўйича электрон база яратилмоқда. Фўқароларимизнинг тиббий

Касалликларнинг олдини олишда энг камжарз ва самарали йўл — соғлом турмуш тарзи ва соғлом овқатланиш маданиятига амал қилиш эканлигини унутмаслик зарур.

Яхшидир аччиқ ҳақиқат



Ҳ. ЛАТИПОВ, ФНҚИЗ директори: ОЛТИАРИҚ ЁҚИЛҒИ ИШЛАБ ЧИҚАРИШ КОРХОНАСИ ЁПИЛМАЙДИ!

Ҳаёт шиддат билан давом этар экан, тараққиёт ҳеч қачон бир жойда тўхтаб қолмайди. Шу маънода, кеча кўзимизга оламшумул янгилик бўлиб кўринган ихтиро бугун оддий бир буюмга айланиб улгурган.

Утган асрнинг ўрталарида телевизор, радио хонадонимизнинг энг азиз неъматли сифатида қадрланар эди. Айни пайтда ҳар бир оилада иккита-учтадан телевизор бор, радио ўрнини эса аллақачон уяли алоқа воситалари эгаллаб бўлди.

Яқин кунларда ижтимоий тармоқларда "Фарғона нефтни қайта ишлаш заводи" МЧЖнинг Олтиариқ ёқилғи ишлаб чиқариш корхонаси ходимлари томонидан ушбу корхонанинг иш қўлами ва ходимлари сони қисқартирилиши билан боғлиқ мурожаатлар кенг тарқалмоқда. Ҳўш, корхона ишчи-хизматчиларининг эътирозлари ўринлими?

Таъкидлаш жоизки, Олтиариқ ёқилғи ишлаб чиқариш корхонаси бир асрдан зиёд тарихга эга бўлиб, Фарғона водий-сидига илк саноат корхоналари сирасига кирди. Корхонанинг ярим тайёр бензин ва енгил дизель маҳсулотлари Фарғона нефтни қайта ишлаш заводи (ФНҚИЗ) объектларига ташлиб, қайта ишланади. Бу каби қўшимча сарф-ҳаражатлар, логистика хизматлари маҳсулот танархнининг ошиб кетишига олиб келмоқда. Бундан ташқари, корхонанинг ишлаб чиқариш қувватлари, техник ва технологик жараёнлар ҳам ислоҳ қилишга муҳтож.

Ҳақиқатан ҳам бугунги кунда 800 нафардан зиёд ишчи-хизматчиси бўлган Олтиариқдаги корхона ўз фаолиятини тўхтатиши мумкинми? Бу борада яна бир бор таъкидлайман: Олтиариқ ёқилғи

ишлаб чиқариш корхонаси ёпилмайди. Таъкидлаш ўринлики, завод Вазирлар Маҳкамаси қарорига кўра, "Jizzakh Petroleum" МЧЖ қўшма корхонасига ишончли бошқарувга берилган. Хомашё йўқлиги учун Олтиариқ ёқилғи ишлаб чиқариш корхонаси фаолияти вақтинча тўхтатилган. Шунга қарамай корхонанинг штат бирликлари сақланиб қолиб, иш ҳақи ва жамоа шартномасига асосан барча имтиёзлар тўлиқ берилиши таъминланмоқда.

2020 йил давомида Олтиариқдаги корхонада ишчи-ҳодимларга 39 млрд. 428 млн. сўмлик иш ҳақи ва унга тенглаштирилган тўловлар амалга оширилди. Бу маблагнинг 26 млрд. 501 млн. сўми корхона ишламаган 2020 йилнинг апрель-декабрь ойларига тўғри келади.

Ўз навбатида 2021 йилда хомашё етишмаслиги сабабли Олтиариқда ишловчи 67 нафар ходимлар ФНҚИЗнинг 32-таъмирлаш-қурилиш монтаж ҳамда 13-автотранспорт цехларига ўтказилди.

Шу билан бирга 2021 йилнинг март ойидан айрим ходимлар гуруҳи учун Ўзбекистон Республикаси Меҳнат кодексининг 89-моддасига кўра, меҳнат шартларини ўзгартириш, иш вақти ва унга мутаносиб равишда иш ҳақини қисқартириш режалаштирилган. Бу чора вақтинчалик бўлиб, иш ҳақини ортиси билан яна тўлиқ иш режимига қайтиш кўзда тутилмоқда. Ушбу масала ўтган йилнинг декабрь ойида Олтиариқда ва ФНҚИЗда Олтиариқдаги корхонада ишловчи ходимлар иштирокида тузилган

ишчи гуруҳи аъзолари билан муҳокама қилиниб, 1 млн. сўмлик иш ҳақи ва ойига икки мартабадан кам бўлмаган ишга қилиш шартлари билан ишчи-ҳодимлар томонидан маъқулланган.

2020-2023 йилларда ишлаб чиқаришни модернизация қилиш дастури доирасида ФНҚИЗда нефтни қайта ишлашнинг истиқболли йўналишлари аниқланиб, 5 та янги технологик объект қурилиши ва 7 та ишлаб чиқариш объектларини реконструкция қилиш белгиланган. Бу дастурни амалга ошириш орқали углеводородларни қайта ишлаш имконияти кенгайтиришга эришилади. 2023 йилдан бошлаб юз фоиз "Евро-5" сифатидаги ёқилғилар, халқаро API стандартлари талабига жавоб берадиган мой маҳсулотлари ишлаб ишлаб чиқариш ҳақи этилади.

Аммо корхонанинг аксарият ишчи-хизматчилари катта ваъдалар берилган бўлса ҳам ижобий ўзгаришлар кўзга ташланмаётганидан норози бўлиб, ижтимоий тармоқлар орқали давлатимиз раҳбари ва халқимизга мурожаатлар йўллашда давом этмоқда. Улар бир неча мартаба корхона олдига йўлда тўпланиб, "Бизга нефть беринг!", "Бизга ёрдам беринг!" деган шioriлар билан завод раҳбариятига мурожаат қилишмоқда.

Турмуш ўртоғим 22 йил Олтиариқ ёқилғи ишлаб чиқариш корхонасида ишлаб, уч йил олдин штатлар қисқариши туфайли ишсиз қолди, — дейди 28 йилдан буюн мазкур корхонада ишлаётган ходимлардан бири. — Бир нафар фар-

зандим контракт асосида олий таълим муассасасида ўқийди, яна икки нафар болаларим бор.

Корхонада 37 йил ишлаган ишчилардан бири ёшлиғи, ҳаётини шу ишга бағишлаганини кўниб таъкидлайди. — Президентимиз камбағалликни камайтириш, халқни рози қилайлик деяпти, — дейди у. — Ишсизлик, моддий қийинчиликлар одамни турли қинғир йўлларга бошлайди. Айнан фарзандларимизни уйли-жоили қиладиган пайтда ишсиз қолсак, қаерга борамиз?

Корхона ишчи-хизматчиларининг ижтимоий тармоқлардаги чиқишлари туфайли Олтиариқ тумани ҳокими, завод раҳбарияти иштирокида улар билан юзма-юз учрашлар ўтказилди. Заводдаги бугунги иқтисодий ҳолат ва яқин истиқболга мўлжалланган режа-мақсадлар тушунтирилди.

Завод фаолияти очкилгини таъминлаш, ФНҚИЗ ва фуқаролар ўртасида алоқа ўрнатиш, жамоат назорати ва мониторингини амалга ошириш мақсадида "Фарғона нефтни қайта ишлаш заводи" МЧЖ қошида Жамоатчилик кенгаши фаолиятини бошлади. Жамоатчилик кенгаши таркибиде асосан корхонада узоқ йиллар намунали фаолият олиб борган меҳнат фахрийлари иш олиб боради.

Хулоса ўрнида айтганда, вақтинчалик чора-тадбирлар оғир кунларни бошидан кечираётган ФНҚИЗнинг иқтисодий манфаатларидан қелиб чиқиб амалга оширилмоқда. Шунинг учун вақтинчалик чораларни ишчи-хизматчиларимиз тўғри тушунишлари керак. Иқтисодий вазият барқарорлигини таъминлаш учун амалга оширилаётган бу саъй-ҳаракатлар иш ўринлари қисқариши ёки Олтиариқ ёқилғи ишлаб чиқариш корхонаси ёпилишига сабаб бўлмайди.

Алишер Навоий таваллудининг 580 йиллигига

Алишер Навоийни ўзбек адабиёти тарихида алоҳида ҳодиса бўлган Қўқон адабий муҳитининг том маънодаги ғоявий раҳнамоси десак, сира муболага қилмаган бўламиз. Чунки шоҳ-шоир Амирий бошчилигидаги бу муҳитнинг юзга яқин намоёндаларидан бирортасининг ижодини Алишер Навоий бой ва серкирра меросининг самарали таъсиридан айри ҳолда тасаввур қилиш қийин. Хусусан, Амирий Алишер Навоий ҳазаларига татабулар қилиб, тахмислар боғлабгина қолмай, истиснодди шогирд сифатида сўз санъаткори асарларидан таъсирланиб, унинг йўлида қатор ғазал ва байтлар яратган. Қўнғлида акс садо бериб илҳомлантирган фикрларини давом эттирган ва ривожлантирган, буюк шоир қўллаган тинимсиз ташбехларнинг янгидан-янги кирраларини очган.



Навоий чашмасидан суфичиб...

Навоийнинг инсон туғма табиатини минг бир тарбия билан ҳам ўзгартириб бўлмаслиги ҳақидаги машҳур қитъаси бор. "Нокас киши бўлмаслиқда ва ноҳинс киши жинси бўлмаслиқда" деб номланган мазкур қитъасида кўпни кўрган донишманд шоир "Нокасу ноҳинс қавмини одам бўлсин деб беҳуда заҳмат чекмаки, касофат олами сира покиза бўлиб қолмайди. Зеро, кучук билан хўтиққа ҳар қанча тарбия бергани билан улғайиб уларнинг бири ит бўлади-ю, бошқаси — эшак", дейди:

Нокасу ноҳинс авлодин киши бўлсин дебон, Чекма меҳнатким, латиф ўлмас касофат олами — Ким, кучук бирла хўдукка неча қилсанг тарбият, Ит бўлур, доғи эшак, бўлмасанг асло одами (II, 698).

Бу теран ҳаётий ҳақиқатга асосланган ҳикмат даражасидаги қитъа кўплаб қалам аҳлига таъсир қўрсатган. Жўмладан, Амирийнинг мана бу байтида эса ушбу мазмунинг мутлақо аниқ таълиқини кўрамиз: Тарбият қилгон билла ноасл бўлмас одами, Ипни юз аллон билла ранг этса, бўлмасдур ипак (I, 202).

"Тарбия қилган билан ноасл кимса сира одам бўлмайди, чунки ипни юз рангга бўяган билан у ипакка айланиб қолмайди".

Диққат қилинса, "тубан табиятни тарбия ўзгартирмоқди" деган фикр ҳар бир шоирда ўзига хос образли тарзда бетақрор ифодасини топган. Қўрииб турганидек, бу шoirларнинг ўз фикрларини тасдиқлаш мақсадида келтирган қиёс ва далиллар шайрий матнларнинг таъсирчанлигини кучайтириш учун хизмат қилган.

Амирий базийда байтларини навоиёна шакллантиради: Ошноларга десангким қилмайни бегоналик, Бўлмағил, эй маҳжабин, бегоналарга ошно (I, 42).

Бу байт Навоийнинг қўйидаги мисраларини эсга солиди: Бегона бўлптур ошнодин, Бегонага ошно бўлптур (I, 161).

Лекин бу салаф байтининг айнан такрори эмас. Навоий байтида ошк маъшукдан шикоят қилади: "Ошодан бегона бўлиб, бегонага ошно бўлибди". Амирий байти эса панд-насихат мазмунда: "Эй, ой гузал, дўстларга бегоналик қилмай десанг, бегоналар билан дўст бўлма!" Бу ерда маъно кенгайтириш ҳодисасини кўрамиз. Амирийнинг мана бу байти Навоийнинг шикоят охангида қайта-қайта шайрлариде таъкидлаган "кимга вафо қилган бўлсам, эвазига вафо қўрдим..." мазмундаги байтларига ҳамоҳанг:

Ҳар кишигаким вафо қилдим, манго қилди жафо, Олам аҳлини саросар имтиҳон эттим, Амир (I, 81).

Тахлиллардан маълум бўладики, Алишер Навоий даҳоси ва ижоди Амирийнинг истиснодди, маҳоратли шоир ўлароқ шаклланиши, ғазал устаси бўлиб етишишида муҳим роль ўйнаган.

Зебо ҚОБИЛОВА, Қўқон давлат педагогика институти доценти, ўзбек тили ва адабиёти факультети декани.

Муносабат

Президентимиз раислигида бўлиб ўтган маънавий-маърифий ишлар тизимини тубдан такомиллаштириш, бу борада давлат ва жамоат ташкилотларининг ҳамкорлигини кучайтириш масалаларига бағишланган видеоселектор йиғилишида берилган кўрсатма, топшириқлар ўз халқи, унинг ўтмиши, келажаги учун бефарқ бўлмаган ҳар бир одамда катта қизиқиш ва ҳаяжон уялтирди.

Маънавиятда фарқлик, лоқайдлик энг хавфли вирус

Очигини тан олиш керак, бу борадаги ишларнинг сусайиб қолганини кўпчилиқда, айниқса, зиёлиларда ўринли ташвишга сабаб бўлаётган эди. Давлатимиз раҳбари нафақат соҳадаги муаммоларни кўрсатди, балки уларнинг аниқ, равшан ечимларини белгилаб ҳам берди.

Президентимизнинг маънавий тарбияни мактабгача ёш босқичидан бошлаш керак, деган сўзлари, айниқса, психологларнинг кўнғлидаги гап бўлди. Чунки мавжуд психологик қонуниятга кўра, шахсининг ҳулқи 5-6 ёшгача тўла шаклланиб бўлади ва кейинчалик характер хусусияти сифатида деярли ўзгаришга учрамайди. Айнан шу қоида буюк аждодимиз Ибн Сино томонидан ҳам таъкидланган. Бизда мактабгача таълим ташкилотларида самарали маънавий тарбияни амалга оширишнинг кучли воситаси бўлган эзулгининг ёвузлик устидан ғалаба қозонишига ишончли, меҳр-оқибатни синдирадиган миллий эртақларимиз ва одоб-ахлоқ қоидалари, ҳулқ усулларини ўргатадиган миллий ўйинларимиз бор, бу имкониятлардан самарали фойдаланишимиз зарур.

Қўқон давлат педагогика институтида берилган топшириқлар ижросини таъминлашга ҳозирдан киришилди. Атроф туманлардаги маҳалла фуқаролар йиғинларига бириктирилган профессор-ўқитувчилар таркиби шакллантирилмоқда, институт маънавият-маърифат кенгашининг, факультетларда маънавий-маърифий ишларнинг "йўл хариталари" ишлаб чиқилмоқда.

Қўқон азал-азалдан олиму фузалолар, шоирлар ва санъаткорлар маскани бўлган, тарихан улкан ҳудуднинг маънавий-маърифий маркази ҳисобланган. Ҳеч қаерга нисбат берилмаган адабий муҳит атамаси фақат Қўқон адабий муҳитига нисбатан қўлланилади. Институтимиз тилшунос ва адабиётшунос олимлари томонидан ҳозир 100 нафар Қўқон адабий муҳити вақилларининг таржimai ҳоли ҳамда асарларидан намуналарни ўз ичига олган "Қўқон адабий муҳити антологияси" тайёрланапти — бу бизнинг халқимиз маънавиятини юксалтиришга қўшган камтарона ҳиссамиз бўлади. Шу билан бирга, инглиз ва рус тилларига таржима қилиниб нашрга тайёрланаётган "Хунармандчилик изохли луғати" ўзбек атамаларининг чет тилларига кириб боришига, маънавиятимиз дурдоналаридан бошқа халқларнинг ҳам баҳраманд бўлишларига имкон яратди, деган умиддамиз.

Институтимиз профессор-ўқитувчилари ташкил этилиши режалаштирилган Ижтимоий-маънавий тадқиқотлар институтини фаолиятида иштирок этиб, маънавий-маърифий тарбия методологияси ва технологиясини ишлаб чиқишда яқиндан кўмак беришга тайёр. Шунингдек, ёшлар тарбияси, уларнинг маънавий оламини юксалтириш кабилар кунлик иш тартибимиздан ўрин олади. Биз зиёлилар йиғилишида қўйилган вазифаларни юксак даражада таъминлаш чораларини кўриб, маънавий-маърифий ишларни сифат жиҳатдан янги босқичга кўтаришга ўз ҳиссамизни қўшамиз.

Маъмуржон ОТАЖОНОВ, Қўқон давлат педагогика институтини ректори.

Анваржон институтга киролмагач, қўлида хўнари йўқлиги сабаб, боши қотиб қолди. Мустақил қарор чиқаришга ўрганган, бир-мунча тиришқоқ йиғит банкдан кредит олишни мақсад қилди. Тадбиркорликни йўлга қўймоқчи, бирини икки қилмоқчи бўлди.

Ёшлар тадбиркорлиги

“ЁШЛАР: 1+1” ДАСТУРИНИНГ ДОЛЗАРБЛИГИ НИМАДА?

Шуурида "Ишлаб чиқариш қилиш керак" деган ўй бор эди-ю, аммо нимани, қаерда ва қандай йўлга қўйиш, анжомларни олиб келиш, товарни сотиш каби масалаларда ўйланиб қолди. Бирор жўяли маслаҳат берувчи одам тополмади. Шундай кунларнинг бирида "туман марказида ёшлар тадбиркорликка ўқитиларкан" деган гапни эшитди.



Хўш, бундай ҳолат кўпчилик ишсиз ёшлар ҳаётида рўй берган бўлиши эҳтимол. Зеро, юртимиз аҳолисининг асосий қисминини ташкил этувчи ёшлар бандлигини таъминлаш, уларда тадбиркорлик кўникама ва малакаларини ҳосил қилиш мақсадимиз иқтисодиётини ривожлантиришда локомотив ролини бажариши аён.

2020 йил 25 декабрь куни мамлакатимизда илк бор ўтказилган «Ўзбекистон ёшлари форуми»га Президентимиз ташриф буюриб, ёшларга ижобий мотивация, бизнес ва тадбиркорлик соҳасида зарур билим, кўникмаларни шакллантириш, шу орқали тадбиркорликка кенг жалб этиш, бандлигини таъминлаш бўйича бир нафардан ишсиз ёшга тадбиркорликка бириктириш ташаббусини илгартириди. Бу ташаббус кўпчилик томонидан қўллаб-қувватланди.

Хўш, «Ёшлар: 1+1» дея ном олган мазкур дастурнинг аҳамияти, долзарблиги нимада? Аввало, дастур доирасида ишсиз ва уюшмаган ёшларни махсус курсларда касб-хўнара тадбиркорликка, бизнес юритиш бўйича ўқитилади. Маълум билим-кўникмаларга эга бўлган, тадбиркорларга ёки хунармандларга бириктирилади. Мақсад: танланган фаолият бўйича иш ўрганиш, тажриба тўплаш ва ўз ғоясини амалда қўлай олиш. Яъни таваққалчиликдан воз кечган ҳолда, ишсиз ёш, биринчидан, ўқиб-ўрганади, соҳа сирларини эгаллайди, иккинчидан, ўз бизнеси ёки ишлаб чиқариш фаолиятини йўлга қўяди, бунинг учун банкдан олинган кредитни қайтариш йўллари ҳам ўзлаштиради. Қўрисизки, бир ҳафт аввал ишсиз, касб-хўнарасиз юрган йиғит-қизлар янги йўналишдаги тадбиркор ёхуд хунарманд сифатида бўй кўрсатади.

Бу ўз-ўзидан бўлмайди, албатта. Жараёнда ҳокимликлар ва масъул ташкилот-бошқармалар — Ёшлар иш-



лари агентлиги, Давлат солиқ инспекцияси, Савдо-саноат палатаси, Тадбиркорликни қўллаб-қувватлаш агентлигининг жойлардаги мутаассадлари жонбозлик кўрсатиши талаб этилади. Агар бу тизимнинг "қаеридир ишламай" қолса, бирор нуқтада муаммо юз берса, қўзланган натижага эришилмайди.

Туманимизда 40 мингга яқин хонадон бор. Ўтказилган таҳлил натижаларига кўра, 6 мингдан ортиқ ишсиз ёшлар, 400 га яқин ижтимоий ҳимояга муҳтожлар, мингдан зиёд имтиёзли кредит олиб тадбиркорлик фаолиятини бошлаш истагидидаги ёшлар борлиги аниқланди, — дейди биз билан суҳбатда Ёшлар ишлари агентлиги Бешариқ туман бўлими бошлиғи Баркамол Абдусайдов. — Биринчи босқичда касб-хўнарага ўқитиш мономарказида 25 нафар ана шундай ёшлар тадбиркорликнинг турли йўналишлари, жумладан, тикувчилик, қандолатчилик, кўёнчилик, ишлаб чиқариш каби соҳаларида қисқа муддатли ўқув курсларида ўқитилди, уларга яқин кунларда сертификатлар топширилди.

Энди бўлғуси ёш тадбиркорлар мисолида галдаги вазифалар ечимини кутмоқда: уларни ҳудуддаги намунали тадбиркор ё хунармандга бириктириш, сўнг алоҳида тадбиркор сифатида рўйхатдан ўтказиш, "Микрокредитбанк"дан имтиёзли кредитлар ажратиш, фаолиятини йўлга қўйишда яқиндан кўмаклашиш лозим.

— Мономарказда таҳсил олиб, адашмаман. Тадбиркорлик деймиш, соҳага оид кўп нарсаларни билмас эканмиз, йўл-йўриқлар

олдик, — дейди «Ватан» МФЙ Қозоққўрғон кишлоғидаги Наврўзбек Холмухаммедов. — Ўзим дурдур-горликдан хабардорман. Кенгроқ саддидеи бошланиш учун энди бизнес-лойиха ҳам, аниқ режаларим ҳам бор. Келгусида ёнимга шогирдлар олиб, эшик-ром тайёрлайдиган устaxonа ташкил этмоқчиман. Шу билан бирга, чеварчилик, трикотаж чиқариш ниятим ҳам бор. Кредит олсам, 9-10 кишини доимий иш билан таъминлайман.

Яна Президентимиз ташаббуси эзгу мақсадли эканлиги, тенгқурларни, дўстларини ҳам қисқа кўрсаларда ўқийшга қизиқтиргани тўғрисида тўлиб-тошиб сўзлаб берди кўзларини ёнганча Наврўзбек. "Албатта, ишончли оқлайми? Қачонгача хориқга бориб ишлайми?" — суҳбатимиз ниҳоясида жаранглади бу гап.

«Ёшлар: 1+1» дастури истиқболда қандай натижалар бериши муайян вақт талас қилади. Чунки бу эзгу ташаббус бўйича қилинажак ишлар ҳали кўп. Тўғриси, кенг қамровли тизимнинг "муратлари" тўлиқ ишга тушишгача йўқ. Ёшлар тадбиркорлигини ривожлантириш бўйича тезкор ва аниқ чора-тадбирлар қўриш, хусусан, "Уста-шогирд" аънанаси асосида иш олиб бориш, ҳар бир туман-шаҳарларда ёшлар саноат зоналари ташкил этиб, бир қанча қудайликларга эга (электр, газ, сув) ҳудудда имтиёзли солиқлар асосида ўз фаолиятини олиб боришлари-га имкон яратишдек вазифалар кўндаланг турибди...

— Бу мавзуга яна қайтамиз.

Ҳаётжон БОЙБОБОВ.



Хабарингиз борми?

МАХСУС ЁРЛИҚЛИ ГАЗ БАЛЛОНЛАРИ

Айни пайтда юртимиз аҳолисини иссиқлик таъминотига бўлган талабини қондириш, хусусан, табиий газ етиб бормаган ҳудудларда истиқомат қилувчи аҳоли хонадонларини сулоқтирилган газ билан бир мартада таъминлаш устувор вазифалар сирасига киритилган.

Бу борада "Hududgaztaminot" АЖ томонидан сулоқтирилган газ таъминотини онлайн назорат қилиш тартиби ишлаб чиқилган бўлиб, тизим уч босқичда амалга оширилиши режалаштирилган.

- Биринчи босқич — маиший газ баллонларига махсус ёрлиқлар (штрих кодли стикерлар) ўрнатиш.
Иккинчи босқич — истеъмолчиларни ID карталар билан таъминлаш.
Учинчи босқич — мазкур жараённи тўлиқ "E-gaz" онлайн тизимига улашни назарда тутати.

Ҳозирги кунда виллоятимизда истеъмолда 573 минг 929 дона маиший газ баллонлар мавжуд бўлиб, бугунгача 369 минг 682 та газ баллонларга махсус бар-қолди стикерлар ёпиштирилди. Белгиланган режага кўра, ушбу жараён виллоятимиз шаҳар-туманларида изчиллик билан давом эттирилмоқда.

Таъкидлаш ўринлики, виллоятимизда сулоқтирилган газ истеъмолчилари сони 511 минг 594 таши ташкил этади. Яқин вақт ичида мутахассисларимиз томонидан бу борада белгиланган вазифалар тўлиқ якунига етказилиб, истеъмолчилар билан ишлаш тизимини сифат жиҳатдан янги босқичга кўтаришга эришилди.

Бу газ баллонларидан фойдаланишда ҳар бир миқдор хавфсизлигини таъминлаш ва сулоқтирилган газ сарфини онлайн назорат қилиш имконини беради.

Ўлғубек САЙФУДИНОВ, «Hududgaz Farg'ona» газ таъминоти филиали директори ўринбосари.

Баркамол авлод орзуси

ОДИНАХОН ЙЎЛДОШЕВАНИНГ ЎҚУВЧИЛАРИ ҲАМИША ҒОЛИБ

Информатика ва ахборот технологиялари фани ўқитувчиси бундай ютуқларга қандай эришмоқда?



Яқин кунларда Ўзбекистон туманида жойлашган 65-ихтисослашган давлат умумтаълим мактаб-интернати ўқитувчиси...

роки учун сертификатларга эга бўлди. Пандемия шароитида жорий этилган Coursera онлайн ўқув платформасида 11-синф ўқувчимиз Шохруҳ Рустамов республика босқичи ғолиби сифатида эътироф этилди.



хон Йўлдошева дарсдан бўш вақтларида ҳам мунтазам равишда ўқувчилари билан қўшимча машғулотлар ўтказиб боради. Назарий билимлар амалиётда мустақамланганига катта эътибор берилади.

Нуқтаи назар

“ТАЪЛИМ”МИ, “ХАЛҚ ТАЪЛИМИ”МИ?

— Катта ҳола, В-П-Қ-Т-М-О-И... нима дегани? — хижжалаб ўқиркан, сўрайди қўлида “Устоз” газетасини ушлаганича тўққиз ёшли неварани сўради. Бу аббревиатура “вилоят педагогларни қайта тайёрлаш ва малакасини ошириш институти”ни англатади.

яқши таассурот қолдирганди. Журналистлар Учкўприк туманидаги қишлоқ мактабларининг бирида ҳам бўлишди. Ҳеч эсдан чиқмади: мактаб дарвозаси пештоқидида “Ўзбекистон Республикаси Халқ таълими вазирлиги, Фаргона вилоят халқ таълими бoshқармаси, Учкўприк туман халқ таълими бўлими тасарруфидати фалон сонли умумий таълим мактаби”, деб кўрсатилган эди.

Йўловчи туғул, қачонлардир кутубхонада ишлаган дугона ҳам кутубхонанинг бошқача номланаётганлигини билганидан беҳабар экан. Замонанинг заили билан кутубхоналар фаолияти янги ахборот технологиялари жорий этилди, хусусан, китоб фонднинг электрон каталоги шакллантирилди.

зими бўлинмасининг фаолият турлари акс этган бундай ном соҳада ишлаган ходимлар учун ҳам қийинчилик туғдирган. Бир зум тасаввур қилинг: бошқа тизим ташкилотлари ҳам шу тарихқа номланганида, қандок бўларди. Фикримизча, “таълим” сўзи олдидаги “халқ” сўзи ҳам ортқиқча, чунки халқ деганда у ёки бу давлат аҳолиси, яъни энди дунёга келган чақалоқлардан тортиб ёши юздан ошган қариёларгача бўлган мамлакатда яшовчилар назарда тутилган.

Мухбирларимиз ушбу таълим муассасасида бўлиб, бу ерда яратилган шарт-шароитлар, бугунги кун қаҳрамони бўлган фидоий ўқитувчи ва унинг ўқувчилари билан суҳбатлашди.

Таълим даргоҳи директори Мирсаид Аҳмаджоновнинг қайд этишича, бугунги кунда математика ва филология фанларига ихтисослашган мактаб-интернатидида Ўзбекистон, Учкўприк, Фуқат ва Бешариқ туманлари ҳамда Қўқон шаҳридан саралаб олинган 373 нафар ўқувчи таълим-тарбия олмақда. Утган йилги битирувчиларнинг қарийб 85 фоизи олий таълим муассасаларига кирган бўлса, жорий йилда бу кўрсаткичи юз фоизга етказиш режалаштирилмоқда.

Билан маскани оптик толали интернет тармоғига уланган бўлиб, замонавий компьютер синфларида ўқувчиларга барча шариоитлар муҳайё этилган. Одина-

бундан бир неча йил муқаддам халқ таълими бошқармасининг шаҳар, туман бўлимлари ҳам шу йўсунда қайта номланиб, “шаҳар (туман) халқ таълими муассасалари фаолиятини ташкил этиш ва методик ёрдам қўриқлиги” деб атала бошлаганди. Эсимда, бу ушун номни хотирлада сақлаш мушкул бўлиб, уни газета материалларида тўғри ёзиш учун ҳаммабларимиз блокнотнинг бир четига ёзиб қўйганлигимизни хайриятки, ҳозир бўлимлар эскича номланади: афтидан, халқ таълими тилининг мисали билан назорат қилинди.

Ботир МАДИЁРОВ, Маъсуджон СУЛАЙМОНОВ, Суратларни Шерзод ҚОРАБОВЕ олган.



Қишлоқ хўжалиги: истиқбол ва самара

Пахтачилик кластери: ФЕРМЕРЛАР МАМНУН

Айни вақтда 204 та пахтачилик йўналтирилган фермер хўжаликларига билан контрактация шартномалари асосида иш олиб бормоқда, — дейди бош ҳисобчи Нодиржон Мингбоев. — Фермерларимиз ихтиёрида 5,950 гектар ер бор. Экин майдонлари ҳосилдорлиги йилдан йилга ортиб бормоқда. 2018 йил ҳар гектар ердан 25,9 центнердан ҳосил олинган бўлса, 2020 йилда бу 30,1 центнерга етди. Кластер бўлган, иш хақи, менерал ўғит, ёқилғи етказиб беришда кечикиш ёки ўзилишларга йўл қўйилмади. Мавжуд техника воситалари зарур эҳтиёт қисмлар билан таъминланди, янгилари харид қилинди. Утган даврда 10 та чопиқ, 6 та юк ташуш, 11 та қатор ораларига ишлов берадиган тракторлар, 9 та сепка, 2 та ер текислаш техникаси, 10 та ОВХ агрегати, 20 та трицикл, 1 та экскаватор харид қилинди. Яратилган шароит ва қулайликлар фермер хўжаликларидида ишга бўлган муносабатни тубдан ўзгартирди.

ромадимиз ошди. Биргина 2020 йилнинг ўзида пахтачиликдан 200 миллион сўм фойда кўрдик. Лизинг асосида 1 та трактор сотиб олдик. Ҳосилдорликни янада оширишни кўзлаб, ҳайдов олдидан ерларни фосфорли ўғитлар билан озиклантирдик. “Ҳасанбой-Ҳамдам ери” фермер хўжалиги раҳбари Холжўра Мирзаахмедов кластер тизимидан манмунилигини қуйидагича ифодалади: — Кластер томонидан режадан ортқиқча ҳосил етиштирилганларни рағбатлантириш мақсадида устима белгиланган. 2020 йилда режага қўшимча 60 тонна пахта топишграмимиз учун 55 миллион сўм устимага эга бўлди ва йилни 355 миллион сўм соф даромад билан яқунладик. Йиллик ҳисоб-китоблар декабрь ойи тугамасдан амалга оширилди. Ававаллари кейинги йилга ўтиб ҳам ўз пулларимизга эгалик қилолмасдик. Жорий йилда 15 гектар майдонда томчилаб суғоришни йўлга қўймоқчимиз. Фермер хўжалигимизни кўп тармоқли хўжаликка айлантириш мақсадида иссиқхона, 50 бош қорамолга мўлжалланган молхона қуришни, асарчилик ва балқичликни йўлга қўйишни мўлжаллаб турибмиз. Бу билан янгидан 20 та янги иш ўрни яратилди.

ошириб, сифатли хомашё етиштираётган фермер хўжаликлари 2 та “Матиз”, 2 та “Спарк”, 2 та “Кобальт”, 3 та “Дамас” русумли энгил автомашиналар билан бепул муқофотланди. Унаиб фермерларга телевизор, холодильник ва бошқа маший қимматбаҳо совғалар берилди.

КЛАСТЕРНИНГ ТЎҚУВ ФАБРИКАСИ ҲАМ БЎЛАДИ

Ўзбекистон Республикаси Вазирлар Маҳкамасининг 2019 йил 31 январдаги 253-сонли қарорига асосан кластер корхоналарига пахта тозалаш заводларини 5 йил муддатга бўлиб тўлаш шarti билан сотиб олиш тақлиф қилинган. Шунга қўра, “RUSO'ZBEKTEKS” МЧЖ тумандаги пахта тозалаш заводини сотиб олган. Ҳозир заводда фермер хўжаликлари томонидан етиштирилган пахта хомашёси чиқитдан тозаланмоқда. Мавжуд йиғирув корхонасида эса калава ип ишлаб чиқарилмоқда. Унинг 90 фоизи экспортга йўналтирилган бўлиб, Хитой, Туркия, Корея давлатларига етказиб берилмоқда. Йиғирув корхонаси 2019-2020 йилларда модернизация қилинди. 1 миллион 500 минг евро микдоридида маблаг сарфланиб, Германиядан замонавий ип йиғирув дастгоҳлари олиб келинди. Натيجида нафақат махсуслат сифати яхшиланди, балки иш ўнумдорлиги ҳам ошди. Кейинги вақтда бозорлар, савдо дўкнларида “Риштон пахта ёғи” пайдо бўлди. Кичик корхонада ишлаб чиқарилаётган пахта ёғи, широт, шелуха ички бозорга етказиб берилмоқда. — Хорижий инвестиция ва банк кредитларини жалб этган ҳолда тайёр махсуслат ишлаб чиқарадиган фабрика қурилиши лойиҳаси устида иш олиб бормоқдамиз, — дейди клас-



ЭЪЛОНЛАР

ИШГА МАРҲАМАТ!

Мамакатимизда Ўзбекистон Республикаси Президентининг 2020 йил 24 сентябрдаги «Табий газ назорати ва ҳисобининг автоматлаштирилган тизимини жорий этиш» лойиҳасини амалга оширишга доир қўшимча чора-тадбирлар тўғрисида»ги 4840-сонли қарорига қўра, барча тоиғадаги истеъмолчилар орасида табий газ назорати ва ҳисобининг автоматлаштирилган тизимини (АСКУТ) кенг жорий этиш ишлари олиб борилмоқда.

Table with 2 columns: Location (Farqona, Oltauiriq, Farqona) and Company/Service details.



Исломи дини маърифати ва эзгу ғояларини кенг тарғиб этиш хусусида гап кетганда, ҳамюртимиз шайх Абдулазиз Мансурнинг бекиёс хизматлари нафақат мамлакатимиз, балки бутун ислом дунёсида бирдек юксак ҳурмат билан эътироф этилади.

Фарғоналик АЛЛОМАЛАР

ИСЛОМИЙ МАЪРИФАТ НУРИ



УСТОЗ УМИДИ ВА ИШОНЧИ

"Қуръони карим маъноларининг таржима ва тафсири" асарини рус тилига таржима қилган, олимлар ўртасида турли баҳс-мунозаралар бўлди. Чунки араб ёки форс тили бўлса, бошқа гап эди. Хўш, Абдулазиз Мансур русча таржима-ни қандай удалади экан? Бунинг учун рус тили бўйича бирор мутахассис ёллаганмикин?

ЕТМИШ ЙИЛЛИК КАДРДОН ДЎСТ

Мен шайх Абдулазиз Мансурни етти ёшдан — биринчи синфдан бошлаб бир партада ёнма-ён ўтириб, ўқишни бошлаган вақтимиздан яхши билман. У мактабда ўзининг аъло баҳолари ва намунали хулқ-атвори билан алоҳида ажралиб турар эди.

КЎЗ ИЛҒАМАС ОЛИС ШУЪЛАЛАР

Яхшики, хаёл бор. У бир лаҳзада бизни олис самоларда сайр қилдириши мумкин. Шу маънода, бизнинг бирда шодумон, бирда қайғули ўтган болалигимиз бугун худди кўз илғамас олис шарълар бағрида элас-элас нур таратаётган митти юлдузларга ўхшайди.

касб-хунарларни пухта эгаллаган. Аммо ўқувчилик йилларидаёқ шунча ишдан ортиб, мумтоз адабиётимизни ўрганиш ва диний сабоқлар олишга жиддий меҳр қўйганди. 1975-1979 йилларда Тошкент шаҳридаги Имом Бухорий номли ислом институтиди (маъхад) ўқиди. 1980-1981 йиллари Судан Араб Республикасида жойлашган "Умми Дўрмон" олий ислом даргоҳида таҳсил олди.

ИЛМ УММОНИДА БИР УМРЛИК ТОЛИБ

Абдулазиз Мансур кўп йиллар давомида асосий меҳнат фаолиятдан ажралмаган ҳолда

Тошкент ислом университети ва маъхад талабаларига тафсир, ҳадис, фикҳ, ақоид, балогат каби фанлардан сабоқ берди. Илм уммонида бир умр садоқатли толиб, улўғ олимлар ва алломаларнинг илмий-маънавий меросидан баҳраманд бўлиб келмоқда. У Абдураҳмон Миндоний, Мухаммадқосим қори Олтиариқий, Мухаммадҷон маҳдум Рошидоний, Аскар қори Хўқандий-Бешкапағий, Абдулҳаким қори Марғилоний, Алихон тўра Соғуний, Мухаммадҷон хожидамли Хандуштоний, Шайх Зиёвуддинхон ибн Эшон Бобоҳон каби уламо ва фузалолардан диний ҳамда дунёвий илм-маърифатни астойдил ўрганди.

ФАСОХАТ ГУЛШАНИНИНГ ЗУККО БИЛИМДОНИ

Қарийб 45 йилдирки, у мақоланавис, муҳаррир, таржумон, ношир ва ёзувчи сифатида серкира ижодий фаолият олиб бормоқда. Унинг "Муслмончиликдан илк сабоқлар", "Ҳаж ибодати қоидалари", "Ақоид матнлари", "Наҳшбандияга доир қўлёзмалар фикришти", "Ислом гиёвандликка қарши", "Минг бир фатво" каби асарлари, айниқса, "Қуръони карим маъноларининг таржима ва тафсири" (Перевод и толкование смыслов Корана) китоби севиб мутлоа қилинади. Араб тилидан ўзбекчага тар-

жима қилган "Ахлоқ-одоғга доир ҳадислар", "Минг бир ҳадис", "Унво ал-баён", "Атвоқ аз-заҳаб" китоблари, рус тилига таржима қилган "Қуръони карим маъноларининг таржима ва тафсири" асари мазмун-моҳияти ҳамда мукамаллиги жиҳатдан юксак эътирофга сазовор бўлган. У араб ёзуви бўйича етук мутахассис. Аллақачон аллома мақомига эришган олим насх, настълик, сулс, қуфий хат услубларини мукамал даражада ўзлаштирган. Айниқса, қадим тарихга эга маданий обидалар, осори атиқалардаги дурдона битиклар, ноёб қўлёзма асарларни мутлоа қилиш, маъхумликларга аниқлик киритиш борасида олимлар бу инсонга тенглашадигани йўқ эканлигини тақрор-тақрор эътироф этадилар.

Бир неча тилларда хусниҳат ила ёза олиши билан бирга ушбу тиллар имлосини ҳам яхши билгани учун мамлакатимизда чоп этилаётган диний адабиётлар муаллифлари ўз асарларини Абдулазиз Мансур таҳриридан ўтказиб, кейин хотиржамлик билан нашриётга топширишади. Шайхнинг халқаро ҳамжамият, хусусан, ислом дунёсининг эзгу ғояларини рўёбга чиқариш, башариётга маърифат тарқатиш борасидаги хизматлари янада шарафли ва қадрлидир. Фарғоналик аллома Абдулазиз Мансурнинг илм-маърифат зийоси бутун дунё бўйлаб ҳаётбахш нур таратаётгани барчамизга ғурур ва ифтихор баҳш этади.

Шарофиддин СОЛИЕВ.

ЧОРАК ФИНАЛЧИЛАР МАЪЛУМ



Фарғонада катта футбол байрами давом этмоқда. Кеча жамоалар гуруҳ ўйинларини якунлади ва чорак финал иштирокчилари маълум бўлди.



- ЧОРАК ФИНАЛДА
"Нефтчи" — "Навбахор фарм",
"Бунёдкор" — "Нур Баткен",
"Истиқлол" — "Бухоро",
"Қўқон-1912" — "Турон"
жамоалари майдонга тушади.
Рустам ОРИПОВ, Аброр ДЕҲҚОНОВ.

ОЛИС ҚИШЛОҚ ОБОД БЎЛАДИ

Газетада босилганидан сўнг...

"Фарғона ҳақиқати" газетасининг 19 январдаги 6-сониди "Газетага арзим бор" рукни остида "Кўздан йироқ, эътибордан четда қолган қишлоқ" сарлавҳали мақола эълон қилинган эди. Унда Тошлоқ туманидаги "Хонариқ" маҳалла фуқаролар йиғинида кўплаб масалалар, ечимини кутаётган муаммолар ҳақида сўз борган.



Туман ҳокимлиги олис қишлоқдаги муаммоларни муаммоларни бартарф этишга алоҳида эътибор қаратди. Хусусан, электр таъминотини яхшилаш мақсадида 2 та қўшимча электр трансформатор ўрнатилди, қўлбола симёғочлар замонавий темир-бетон таянч устунларига алмаштирилди, 3 километр электр узатмалари тортилди. Ички йўлларга шағал ётқизиш, асфальтлаш билан боғлиқ чора-тад-

бирлар белгиланди. — Бу муаммоларга ечим топиладиган хурсандимиз, — дейди Олтин замин кўчаси, 77-уй соҳиб Уткирбек Нишонов. — Электр таъминоти тубдан яхшиланди, сабабсиз узилишлар барҳам топди. Сув таъминотини яхшилаш мақсадида туман ҳокимлиги томонидан 2 километр узунликдаги сув қувурлари олиб берилди. Айни кунда "Тошлоқ сув таъминот" МЧЖ томонидан ичимлик суви тармоғини тортиш ишлари бошланди.

— Аҳоли бандлигини таъминлаш муҳим, — дея сўхбатга қўшилди маҳалла фуқаролар йиғини раисининг ободонлаштириш, томорқа ва тадбиркорлик масалалари бўйича ўринбосари Раҳматҷон Ашуров. — Шу мақсадда худудимиздаги 0,45 га майдонда кичик саноат зонаси ташкил этилмоқда. Бу ерда 17 та истиқболли лойиҳа ишга туширилиши натижасида 140 нафарга яқин аҳоли бандлиги таъминланади. "Найман бўстон" маданият марказини таъмирлаш билан боғлиқ

дастур ишлаб чиқилди. Лойиҳа ҳужжатлари тайёрланди. Белгиланган режага кўра, иншоотда жорий йилнинг иккинчи чорағида таъмирлаш ишларини бошлаш кўзда тутилган. Сирасини айтганда, кўздан йироқ, эътибордан четда қолган қишлоқда олиб борилаётган ишлар маҳаллага янги ҳаёт нафасини олиб кирмоқда.

Расулжон КАМОЛОВ, Муқимжон ҚОДИРОВ олган суратлар.

Publication details including contact info for Farqona Viloyati Hokimligi, publisher information, and subscription rates.